

Minister Gerlien Croes ta anuncia Stadion Guillermo Prospero Trinidad lo ta habri temporalmente pa partidonan di futbol



ORANJESTAD (AAN): Minister di Deporte, mr. Gerlien Croes, den un conferencia di prensa, a comparti e grato noticia cu despues di varios deliberacion, a dicidi pa habri Stadion Guillermo Prospero Trinidad temporalmente for di 7 di juni te 21 di juni pa e partidonan di futbol local y internacional cu ta programa.

Minister Gerlien Croes a subraya e importancia di duna sosten na e competencianan local y internacional cu tin cu tuma luga e dianan nos dilanti cu e meta pa mantene continuidad den e calendario deportivo di Aruba. “E decision aki ta refleha nos compromiso cu e atletanan y comunidad deportivo,” Minister Croes a bisa. “Nos ta compronde

cu e stadion tin un balor grandi pa nos comunidad y ta un simbolo di orguyo nacional y un espacio di competencia y union. Mientras cu e trabounan di renovacion lo continua despues di dia 21 di juni, nos ta duna e oportunidad pa e atletanan continua cu e weganan y pa pueblo disfruta di esakinan.”

Durante e reapertura temporal aki, lo tin medidanan di seguridad estricto na vigor, y e areanan cu ta bou renobacion lo keda cera pa garantiza seguridad di tur fanatico y atleta. Ministerio di Deporte ta haci un yamada na tur organizacion deportivo y fanatico pa respecta e reglanan vigente pa e periodo cu a habri e stadion temporalmente, pa seguridad di un y tur.


Ministerio Publico

Sospechoso H. a yega acuerdo cu Husticia pa mas di miyon florin pa fraude fiscal

Post Aruba N.V. a adkiri un flota nobo di auto electrico pa e parti operacional di e empresa



ORANJESTAD (AAN) — Directora di Post Aruba N.V., señora Esther Emerencia- Gomes, a yama un conferencia di prensa, den e parkinglot di Post, unda el a para keto den un momento hopi importante, diamars mainta, cual ta e adkision di un flota nobo di auto pa Post Aruba N.V. El a agrega cu awo a tuma e prome paso pa moderniza e flota mas importante di e parti operacional di e em-



presa. “Cu cinco di ocho auto electrico, nos ta duna nos compromiso firme cu local ta sostenibilidad, progreso y innovacion.

Boksmento entre 3 auto a laga un persona herida



ORANJESTAD (AAN): Tabata den oranan di atardi, cu Central di Polis a ricibi yamada di ciudadanonan na

Savaneta, splicando cu den area di Winter Garden Supermarket a scucha y presencia un accidente basta

serio.

Mesora Central di Polis a manda patruyanan di San Nicolas pa e area pa check kico a socede.

A sali na cla cu un chauffeur masculino na stuur di un Nissan Quest color shinishi, a bay na su man robes y dal contra un Dump truck pa despues dal contra un Toyota Yaris. No ta mucho claro si acaso e persona aki na stuur di e Nissan lo por a bira malo, cu a pone perde control.



Polis a cuminsa atende mesora y a pidi presencia di Ambulance pa e chauffeur di e Nissan Quest.

Debi na complehidad di e accident, a pidi Polis di Trafico pa atende e desgracia.

Paramediconan a dicidi cu ta bay hiba e persona rumbo pa Servicio di Emergencia na Hospital. Takelwagen a worde pidi tambe pa move e vehiculonan kibra pa asina trafico por continua.

Lotto ta introduci un miembro nobo di Instacash "Sevens"!



ORANJESTAD (AAN): Awe Diaranson 28 di mei, Lotto, e loteria di Aruba, ta contento di por anuncia un integrante nobo "Sevens" den e famia di Instacash cu lo duna bo e oportunidad pa gana placa cash al instante!

Abo ta cla pa gana placa instantaneamente y no mester warda pa sorteo? Desde diabierna 30 di mei Lotto lo trece un adiccion mas na e famia di Instacash cu ta yama Sevens.

Con pa hunga:


Bishita bo rebendado di Lotto preferi y pidi pa e weg di Sevens desde diabierna awo. Ora bo cumpra e weg di Sevens, bo ta ricibi un ticket for di bo rebendado pa e weg. Riba e ticket bo ta wak

diferente number yena den 3 simbolo di 7. Match cualkier un di e Numbernan Ganado cu un di e numbernan den e simbolonan di 7 y gana e premio indica abou di e number cu bo a match.

E prijs pa e ticket di Sevens ta costa 3 florin y bo por gana diferente premio te cu e premio grandi di 7.777 florin!

Instacash ta dunabo e oportunidad pa hunga bo weganan preferi manera 5X The Cash, 10X The Cash, 20X The Cash, Bingo, Money Tree, Match for Cash, e famia di Instant Jackpot, Tic Tac Cash, Shooting Star, Buckets of Cash, Strike, Stack-O-Cash, High Voltage Cash, Give Me 5 y awo Sevens cu ta dunabo e chens pa gana placa al instante!

Fraccion di AVP a despedi di Sonaly Acosta



ORANJESTAD (AAN): Manera cu DIARIO a trece dilanti caba, e Parlamentario Sonaly Fernandez-Acosta a dicidi na entrega su asiento den Parlamento, pa asina continua cu su

trabounan for di e organo ehecutivo.

Segun Fraccion di AVP, e aporte di Sonaly durante e ultimo lunanan tras di lomba for di Parlamento di Aruba semper tabata uno

di balor agrega.

Fraccion AVP ta desea Sonaly tur clase di exito den su funcion nobo como consehero strategico na Ministerio di Asuntonan Social.

Ministro Geoffrey Wever satisfecho cu Post Aruba tin auto electrico




ORANJESTAD (AAN): Minister Geoffrey Wever hunto cu DOW a completa un estudio extenso di mercado, unda a haci un inventario detaya di e flota di auto di Gobierno y di e opcionnan disponibel na Aruba pa remplaza esaki pa vehiculonan electrico.

Na september 2024 a cuminsa cu e proceso y a cambia e autonan di lease den uzo na

Departamento di Asunto Economico, Comercio y Industria (DAECI) y siman pasa SEDECO, otro departamento di gobierno pa haci e cambio pa auto electrico.

Awe orguyosamente por anuncia cu un otro entidad di gobierno, Post Aruba N.V., awe ta introduci su prome 5 autonan electrico. Gradualmente Post Aruba N.V. lo



continua pa cambia su autonan pa autonan electrico. Asina aki Post Aruba N.V. tambe ta aporta na e cuida di nos medio ambiente y reduci gasto operacional di e compania.

Tur esaki ta parti di e plan y vision cu Minister Wever ta continua via e programa Green Overseas (GO) cu ta wordo financia pa Union Europeo (EU). Na 2024 e compania Expertise du France (EF) a wordo encarga pa ehersce e proyecto aki cu tin como meta pa contribui na e desaroyo sostenibel, resiliente y inclusivo di e paisnan y teritorionan di EU y Reino Uni. Pa e trayecto aki, Union Europeo a aloca €190.000.

E meta ta pa accelera e transicion pa movilidad electrico cu sosten tecnico di Europa. Union Europeo ta mira nos caso como un ehempel di uso eficiente di fondo di EU y lo uza nos como “case study” pa demostra con e tipo di fondo aki por contribui na desaroyo sostenibel den teritorionan Europeo pafo di Europa.

“Despues cu siman pasa SEDECO a continua cu e transicion pa autonan electrico, awe Post Aruba N.V.



tambe ta tuma e paso aki cu introduccion di e prome 5 autonan electrico den e flota algo cu nos por ta sumamente orguyoso di dje,” Minister Wever a bisa.

Minister Wever kier a gradici director nobo di Post Aruba N.V. sra. Esther Gomes cu tambe ta kere y mira e importancia di cambia

nan flota pa autonan electrico. Esaki no solamente lo yuda na baha gasto di pais Aruba y reduccion di gasto operacional, pero tambe lo reduci e impacto ambiental y asina promove un miho calidad di bida, protehendo nos naturalesa y contribui na frena e cambio climatico.



Sospechoso H. a yega acuerdo cu Husticia pa mas di miyon florin pa fraude fiscal

ORANJESTAD (AAN): Ministerio Publico a finalisa diamars e investigacion penal ‘Magenta’ contra e sospechoso R.J.H. via un transaccion di mas di un miyon florin.

E investigacion aki a wordo hiba door di RST (Recherchesamenwerkingsteam) bao guia di un fiscal di husticia di Ministerio Publico di Aruba.

R.J.H. ta wordo sospecha di a intencionalmente viola articulo 68, paragrafo 2, di Algemene Landsverordening Belastingen (ALB).

E ta wordo acusa di a comete varios delito fiscal durante e periodo di 2017 te



cu 2022, cu tin di haber cu keda sin paga impuesto riba ingreso (dividendo y ingreso laboral).

E transaccion a keda concretisa den contacto estrecho cu Belastingdienst (DIMP).

E multa di mas di un miyon Florin ta consisti di pago di

un suma di Afl. 400.000, y ademas e sospechoso a renuncia varios suma di placa cu Ministerio Publico a confisca durante e investigacion.

Tambe Ministerio Publico a impone riba R.J.H. un obligacion di pago di Afl. 456.685 pa confiscacion di ganashi

ilegal.

E suma aki ta cubri solamente un parti di e daño fiscal cu pais Aruba a sufrir; DIMP lo trata cu e resto.

E suma total cu sospechoso tin cu paga na pais Aruba ta yega na Afl. 1.457.165.

R.J.H. por paga esaki den parti, conforme e acuerdo cu Ministerio Publico a cera cu ne.

Ministerio Publico ta considera cu tin prueba suficiente contra e sospechoso, kende, door di acepta e transaccion, ta reconoce di a comete delitonan fiscal.

Ministerio Publico ta haya

cu e transaccion aki ta e forma mas apropiada pa finalisa e caso penal y a tene na cuenta cu delitonan fiscal, en principio, ta apto pa un sancion financiero.

Door di cera un transaccion, ta yega na un solucion mas rapido y mas eficiente. Esaki ta na beneficio di Pais Aruba, di Ministerio Publico y di e sospechoso mes.

Ministerio Publico ta sigui comprometi cu e lucha contra criminalidad financiero y contra criminalidad cu ta afecta estabilidad di Pais Aruba (ondermijnend).

Awor ta spera cu lo no tin accident mas dilanti Scol na Brazil



ORANJESTAD (AAN): Apenas siman pasa a sosode un accidente dilanti scol SPO Brazil. Esey ta ora cu un alumno a baha di Bus, y a bay cruza caya pa bay scol, y un auto pasando duro a dal'e.

E accident aki a demostra cu automobilistanan ta coriendo duro eynan, y esaki ta e punto cu a pone autoridad dicidi di pone un verkeersplateau eynan, pa purba di obliga chauffeur-

nan pa reduci velocidad.

E plateau a wordo traha door di personal di DOW mes, y nan a haci esaki di asphalt. Ademá di e drempel aki, nan a pone varios baranca grandi na banda, pa descurasha automobilistanan di participa na e fenomeno peligroso di 'dal un shortcut' na banda. Barancanan a wordo poni for di e caminda te na e cura di SPO Brazil.

Ta di spera cu automo-

bilistanan tuma bon nota di esaki, pa por fabor reduci velocidad ora cu bo ta banda di scol.

Ademá di e drempel aki na Brazil, e speranza tey cu DOW y Ministerio di Obran Publico lo analisa y kizas check mas area unda tin scol cu lo por ricibi plateau cu por obliga chauffeurnan di baha velocidad.



Parlamentario Evelyn Wever-Croes

Na ningun momento Gobierno anterior a laga un debe di 200 milyon atras



ORANJESTAD (AAN): Recientemente por a nota den medionan di comunicacion un comunicado na unda ta menciona cu ex Prome Minister Evelyn Wever-Croes y ex Minister di Finanzas Xiomara Maduro a laga un debe di 200 milyon Florin atras.

Parlamentario Wever-Croes a expresa cu esaki ta un mentira mas contra e gobierno anterior di Gabinete Wever-Croes, mirando cu na ningun momento a laga un debe atras sino un surplus di 500 milyon Florin.

Tambe ta worde menciona cu e debe aki a worde teni den secreto pa e dos gobernantenan aki, pero esaki tampoco ta berdad mirando cu Minister Geoffrey Wever tabata den ministerraad di e gobierno anterior y ta actualmente den e ministerraad actual, pues nada cu a worde haci y papia por ta un secreto si e sa di tur loke tabata andando.

Parlamentario Wever-Croes a indica cu e comunicado cu a sali ta referi na e privatizacion di RWZI, cu tabata un problema cu

pa 20 aña no tabata tin solucion. Gabinete Wever-Croes e tempo ey a busca tur manera pa bin cu un solucion pa e problema aki, y a hasta aloca un suma di 16 milyon di e 60 milyon cu tabata necesario, den e presupuesto di 2022. Riba esaki Caft e tempo ey a reacciona y a pidi gobierno pa saca e suma aki di e presupuesto mirando cu e suma aki mester worde uza pa paga debe. Aki ta unda cu Gabinete Wever-Croes a saca e 16 milyon Florin di e presupuesto lagando atras e problema di RWZI sin worde atendi.

Pa logra yega na un solucion pa cu e problema di RWZI, no a keda gobierno mas opcion pa privatisa e planta. Pa evita cu e gastonan di e privatizacion aki cay riba e comunidad di Aruba, gobierno a introduci e "wastewater sustain-

able fee" di \$20 cu mester worde paga un bez pa aña door di nos bishitantenan. Pues tur otro storia cu ta worde conta eyforan pa purba trece confusion

pa loke ta e gastonan di RWZI, ta nada mas cu un mentira mas pa desacreditar e bon trabao di e Gabinete anterior.

TESTIMONIO DI AGRADECIMIENTO



Danki Maestro Benjamin. Mi nomber ta Jolanda Tromp. Mi ta bai conta full Aruba mi storia. Ami tawata un señora hopi saludabel y hopi feliz pero na 2020 mi a cuminsa sufrir di hopi dolor y mi tawata keda sin rosea. Prome mi a kere cu mi tawatin Covid pero a resulta eu no tawata Covid. Un dia un familiar a

bisami pa mi no sufrir mas mi mester yama Maestro Benjamin pa e bisami di biahá kiko mi tin. Di biahá mi a yama Maestro Benjamin y mi a traha un cita. Den solamente 2 dia Maestro Benjamin a check mi y door di e resultado di su man nan e la haya sa cu mi a bira victima di bruheria y cu mi bisiña a hasi esaki pami. Tur e dolor di curpa y e falta di rosea cu mi tawatin tawata resultado di e bruheria cu e bisiña a hasi pami y mi famia, Danki na Maestro Benjamin cu den menos di 4 dia e la saca tur e malo di mi curpa y mi ta sinti un mohe nobo y cu hopi salud. Ya nada mas no ta hasi dolor y mi ta hala rosea hopi bon atrobe, mi kier duna e testimonio paso Maestro Benjamin ta autentico y ta un maestro di berdad cu si sa di e trabao y ta cura hende di su curason. Yama y traha bo cita pa abo tambe bira feliz atrobe manera ami a bira danki na Maestro Benjamin.

YAMA / 641-4186 AWE MES!

Post Aruba N.V. a adkiri un flota nobo di auto electrico pa e parti operacional di e empresa



ORANJESTAD (AAN) — Directora di Post NV, señora Esther Emerencia- Gomes, a yama un conferencia di prensa, den e parkinglot di Post, unda el a para keto den un momento hopi importante, diamars mainta, cual ta e adkision di un flota nobo di auto pa Post Aruba N.V., na unda tur presente por a tuma nota di nan.

“Esaki ta un momento na unda nos ta para keto riba locual cu ta e compromiso di e empresa estatal aki, pa loke ta sostenibilidad, innovacion y progreso.

Ya pa mas cu seis aña, Post no a sa di ricibi un flota nobo di vehiculo, esaki tambe como consecuencia di diferente situacion agudo, cu a tuma lugar entre otro, tambe pa e impacto di Covid-19, e pandemia den su totalidad, y e situacion financiero di e empresa estatal”, señora Gomes a expresa.

El a agrega cu awo a tuma e prome paso pa moderniza e flota mas importante di e parti operacional di e empresa aki.

“Cu cinco di ocho auto electrico, e promenan pa loke ta Post Aruba N.V., nos ta duna nos compromiso firme, cu locual ta sostenibilidad, progreso y innovacion. Y tambe nos ta alinia nos mes cu loc-

ual ta e vision di Pais Aruba y Gobierno di Aruba, pa desaroyo sostenible”, Directora di Post Aruba, a subraya.

El a sigui manifesta cu Post Aruba ta un empresa cu ta conciente di loke ta su responsabilidad social corporativo, pero tambe e ta conciente di e impacto cu e tin riba medio ambiente. “Esaki ta un decision cu nos ta tuma cu sosten y apoyo di nos Hunta di Supervision, y tambe aliña cu e vision di e Minister responsabel pa Post Aruba N.V., y ta e intencion tambe pa poco, poco nos lo sa di innova, digitaliza, y sigui moderniza e operacion y servicicionan di Post Aruba N.V.”, Esther Emerencia-Gomes, directora, a señala.

El a agrega cu Post ta den colaboracion cu e compania “Green Wheels” cu ta e proveedor di e promer cinco di e ocho vehiculonan cu nan a ricibi, y consecuentemente tambe, nan lo sigui cu loke ta e vannon, cu ta den proceso, y e scooternan tambe, cu ta na caminda. “E ta parti di nos vision strategico tambe, pa sigui bay den e rumbo aki, y cu e sosten y atencion debido mi ta sigur cu nos lo sa di logra”, directora di Post Aruba N.V., señora Esther Emerencia-Gomes a subraya.

LOTTO 5

Afl.

550.000,-

Selecta:

Selecciona cinco (5) number entre 1 y 35

03 12 15 24 33

Multi Draw:

Selecta bo numbertan pa e sorteo desea y siguiente sorteanan. Pa asina bo keda den wega!

03 12 15 24 33 x2 03 12 15 24 33 x3

03 12 15 24 33 x4 03 12 15 24 33 x5

Combo: Puntra bo rebendado pa opcionan di combo.

www.lottoaruba.com



Afl 4

Alumnonan di Pius X Scol mes a traha nan auto pa 'Drive In Movie Night'



ANUNCIO

En conexon cu Dia di Ascension, SETAR ta informa cu su oficinanan y teleshopnan lo ta cera:

- Diahuebs 29 di mei 2025
- Diabierna 30 di mei 2025

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of Whatsapp na 597-9999.



ORANJESTAD (AAN):

E alumnonan di scol basico Pius X Scol na Dakota, recien a prepara nan mes na forma sublime pa e 'Drive In Movie Night' cu a wordo organiza na scol.

E anochi aki unda a bay pasa e pelicula di Minecraft riba pantaya grandi bao streanan na e scol, a bira un combinacion di expo tambe di e obranan cu cada alumno a traha. Esta nan a usa caha di carton pa asina re-crea nan mesun 'auto', y decora esaki na nan estilo pa mira e pelicula.

Portanan a habri pa 6:00 pm, y tur hende por a cana rond mira tur e auto cu e alumnonan a traha. Despues pa 7:00 pm, tur alumno sinta den nan "auto di carton" por a disfruta di e pelicula. Palabra di pabien na e scol cu e anochi unico aki pa e muchanan.




FRESH FOOD · FRESH BREEZE
FRESCO
— ARUBA —

LOCALS ENJOY
15% discount
Ask for our Loyalty Card and
enjoy exclusive rewards!

Call +297 523 6244 to reserve your table today!

Tremendo asistencia na e apertura oficial di Exposicion di Potret 'Framing Social Problems and Solutions' na Biblioteca Nacional

**E studiantenan a logra captura e realidad social den imagen visual*



ORANJESTAD (AAN): Di-aluna anochi, e hall di Biblioteca Nacional Aruba tabata completamente yen durante e apertura oficial di e exposicion di potret 'Framing Social Problems and Solutions', organisa pa Departamento di Trabao Social y Desaroyo di Universidad di Aruba.

Entre e publico presente tabatin mandatario, parlamentario, invitado especial y miembronan di comunidad cu gran interes den tema social.

E proyecto ta uno cu hopi balor educativo y humano, y ta trece ariba mesa temanan importante no solamente pa estudiante y futuro profesional, sino tambe pa e comuni-

dad arubiano.

E manera den cual estudiante a logra captura e realidad social den imagen visual, y ofrece posibel solucion, a laga un profundo impacto riba tur asistente.

E exposicion ta un evidencia di e compromiso di Universidad di Aruba pa forma profesionalnan cu un bista critico y socialmente comprometi, cu ta prepara pa enfrenta e desafionan real cu ta existi den Aruba, Latino America y e region Caribense.

Exposicion 'Framing Social Problems and Solutions' lo keda habri te cu dia 18 di juni 2025, y lo sigui inspira pa dialogo y reflexion den e comunidad.



Caribbean Palm Village Resort

WE ARE

HIRING

Your Next Opportunity Awaits

WE ARE OPEN FOR

- Part time Front-desk/
Night audit reliever on call
- Gardener
- Room-attendant

We offer:

**Competitive Wages,
Bonus, Savings, Life
Insurance**

APPLY NOW

Please send your cv to : mary@cpvr.com

For hand delivered application, please pass by our
Human Resources Office,

From Monday - Friday between 9:00 am and 3:00 pm.



Minister Cicilia impresiona impresiona

Secrets Baby Beach Hotel ta mas di 99% cla



ORANJESTAD (AAN): “Hopi impresionante”, tabata e prome reaccion di Minister mr. Wendrick Cicilia, despues di atende un bishita oficial di aluna atardi na Secrets Baby Beach Aruba. E tabata acompaña pa dos miembro di Parlamento di Aruba, Stephany Sevinger, Otami Thomasia y algun consehero. E delegacion a topa cu e director general di e hotel, Alejandro Murcia, e gerente general Jose Maria Perez de Ureta y e gerente di finansa Fernando Vega.

Ehecutivonan di e ho-



empleadonan a cuminsa keda den e hotel pa test tur facilidad y atraccion, pa sigura cu tur cos ta traha bon. Dia 5 di juni proximo lo ricibi e prome

di e cadena Hyatt, e reservacionnan ta masha halto mes, segun gerencia di e hotel a anuncia na e mandatario.

Porfin pariba di brug

“Siendo un persona cu a lanta como mucha na San Nicolas y awendia biba na Pos Chikito, e hotel aki ta yena mi di orguyo. Pariba di brug por ta orguyoso di un hotel masha luhoso, moderno, cu facilidadnan impresionante y cu bista panoram-



Un punto cu el a keda masha contento cu ne ta e intencion di e desaroyador hotelero pa traha riba e vision di gobierno pa planta mas mata posibel na Aruba, conoci como reforestacion. Grupo

di deforestacion, cortamento di mata of candela di mondi. Tres proposito importante di programanan di reforestacion ta pa consecha mata, pa mitigacion di cambio di clima y pa proppositanon di restaura-



Martinon ta comprometi pa aporta na naturalesa y medio ambiente door di planta mata no solamente riba tereno di e

cion di ecosistema y habitat. Un metodo di reforestacion ta pa establece plantacion di mata.



ico riba henter e horizonte di Baby Beach. Mi ta convenci cu e hotel lo traduci den un berdadero boost pa San Nicolaas”, tabata palabranan di Minister mr. Wendrick Cicilia.


Calidad riba cantidad

E Minister di Turismo y Labor ta kere den opcionnan nobo pa halsa e producto turistico di Aruba. Cu cambio di gobernacion, e vision nobo no ta pa sigui enfoca riba cantidad sino mas bien un balansa den desaroyo y

tel a conta e mandatario cu e hotel ta mas di 99% cla. Ta un inversion di alrededor di 160 miyon Dollar Mericano, cu ta emplea 430 trahado y cu ora e proyecto ta cla, lo tin 900 camber, parti den diferente categoria, for di pool-view, ocean-view, Master Suites te na e Presidential Suite.

Ta habri otro siman

Manera tur trabou ta cabando e siman aki, ya caba



huespednan. Siendo un parti

medio ambiente cu bista riba conservacion di naturalesa. Door di habri un opcion nobo pariba di brug, no solamente ta expone e otro banda di nos isla na un miho desaroyo economico, sino tambe ta drecha calidad di bida di e trahadonan di pariba di brug mes. Pa comercio tambe un desaroyo asina ta crea un bon impulso, cu den pasado no tabatin.

Reforestacion



hotel, sino na mas parti di nos isla, specialmente pariba di brug.

Reforestacion ta e practica di restora mondi cu tabata existi anteriormente cu nan a destruí of dañá. E destruccion di mondi anterior por a sosode pa medio

Exito

“Mi ta desea e ekipo completo di Secrets Baby Beach Aruba hopi exito cu e apertura otro siman. Danki pa kere den e potencial di Aruba, di nos naturalesa y di nos hendenan”, asina Minister Cicilia a termina bisando.



Frans Ponson, Presidente di CUA:

Mester bin un Dialogo Social na Aruba tocante e tema: “Abandono di Caya Grandi”

ORANJESTAD (AAN) – Comerciantenan Uni Aruba (CUA) a yega di papia cu stakeholders di Caya Grandi, riba e tema di abandono di e area comercial aki.

Frans Ponson, presidente di CUA, a bisa cu Aruba tin un Caya Grandi abandona, y e ta puntra “Ki mishi e mainstreet di bo pais ta abandona y nunca gobierno, a tuma accion”.

Segun Ponson, e comerciantenan di Caya Grandi no tin e tools pa tuma accion, pero Gobierno si, y pueblo mester bisa cu esaki enberdad

ta un topico, y cu asina aki no ta yega na nada y mester handle pa gobierno tuma accion.

Ponson ta convenci cu riba e tema aki mester bin un dialogo social cu tur e gremionan, incluyendo FCCA, gobierno, Asociacion Bancario, pa yuda haci algo riba e topico aki.

El a reitera e problema cu vivienda y cu si no haci algo stranheronan ta bay cumpra tur tereno na Aruba pasobra pa nan ta barata. “Mi no tin problema cu esey, bo ta wak cu den paisnan grandi bo



ta wak cu nan ta move e pueblo. Pero na Aruba unda bo ta

bay mov’e? No tin caminda pa bo mov’e. Unico caminda

ta sinta cu FCCA, por ta gobierno ta bisa ‘ban traha yen di towel y e pueblo ta hay’e den un cos chikito pasobra full e Isla aki ta wordo tuma pa hende di afo. Atrobe, como resolve nos no sa!”, Frans Ponson ta insisti.

Frans Ponson sa cu na Aruba tin hopi sorto di problema social, pero e no ta extende den e tema, pero e vivienda ta un topico grandi pasobra ta toca e hendenan local, e Arubiano y esnan cu a residencia na Aruba, cu ta traha y paga belasting.

Parlamentario Dangui Oduber (MEP):

Awor cu AZV tin surplus ta na su lugar pa tur personal di cuida haya e indexering di 11.7%

ORANJESTAD (AAN): Parlamentario Dangui Oduber a presenta diferente pregunta na minister di Salubridad, Asunto Social, Cuido di Adulto Mayor y Maneho di Adiccion, sra. drs. Mervin Wyatt-Ras, tocante e situa-

cion di pago di 11.7% di indexering pa personal di cuida na Aruba.

Algun luna pasa, como ex Minister di Salud, Gabinete Wever-Croes II, a tuma un decision pa manda un instruccion na AZV pa

cumpli cu e pago di indexering di 11.7% pa tur personal di cuida, mescos cu ta aplica pa empleadonan den sector publico. E instruccion aki a wordo entrega formalmente na AZV dia 20 februari 2025.

E parlamentario ta pone enfasis riba e hecho cu actualmente AZV tin un saldo positivo (surplus) di Afl. 106 miyon, y cu segun proyeccion, tanto pa e aña aki como pa e siguiente, AZV lo sigui tene un saldo positivo. E surplusnan aki mester wordo inverti den personal di cuida, den specialistanan medico, den ekipo, training y mehoracion di calidad di cuida. Especificamente sr. Oduber a expresa cu: “Awo cu tin e espacio financiero, mi ta kere cu e momento a yega pa cumpli cu e pago aki y pa duna e personal di cuida e respet y reconocimiento cu nan tanto merece, specialmente mirando e esfuerso inmenso cu nan a pone durante e pandemia di COVID-19,” segun e parlamentario.

Durante e pandemia di COVID-19, e personal di cuida na Aruba a demostra un nivel sobresaliente di sacrificio y compasion, trahando oranan largo y enfrentando situacionnan sumamente dificil pa proteha y salba bida. E solidaridad cu a domina Aruba den e tempo dificil aki no por wordo



lubida, y pa esaki, e Parlamentario ta bisa cu ta hopi importante pa e muestra di gratitud concretisa entre otro den forma di e pago di indexering.

“Mescos cu e sector publico a ricibi 11.7% di indexering, ta momento pa e sector di cuida tambe ricibi esaki. Mi ta spera cu Minister Wyatt-Ras por sigui cu e instruccion y hacie un realidad”, Oduber ta indica. “Tur esaki a wordo laga cla atras pa minister Wyatt Ras. No por tin ningun motibo pa no duna nan e indexering aki! Nos ta pidi minister Wyatt Ras pa pone un fecha pa tur esnan den cuida medico ricibi nan indexering di 11.7% cu nan merece”, Parlamentario Oduber ta finalisa bisando.

ELMAR

Feliz Dia di Ascension, Aruba!
En conexion cu Dia di Ascension nos lo ta cera henter dia ariba Diahuebs 29 di mei y Diabierna 30 di mei 2025.

Prome Minister na Conferencia di Clima y Energia 2025: Compromiso firme pa un Aruba sostenibel



ORANJESTAD (AAN): Prome Minister di Aruba, mr. Mike Eman, durante di su participacion na e Caribbean Climate & Energy Conference, a expresa su sentimento mixto: un banda contento pa forma parti di e reflexion profundo riba e transicion energetico, pero tambe cu preocupacion pa e direccion cu Aruba a tuma.

Prome Minister Eman a enfatisa cu sin un "pakico" bon defini, ta facil pa perde e rumbo den e transicion pa energia limpi y renovabel. "Ora bo perde e pakico bo ta

perde e compromiso pa logra e transicion aki. E transicion aki ta pa provee coriente mas limpi y barata na pueblo y esey mester keda e enfoka pa mantene e compromiso cu ta transcuri cualkier gobernacion".

Durante e conferencia, Prome Minister Eman a comparti dos tema importante: compromiso continuo y e bon comun. Sin continuidad, ta perde e meta pa e bon comun. Prome Minister ta elogia Aqualetra cu awo ta produci casi na 50% di energia renovabel y recien a

instala e di 4 parke di molina y reduci e prijs di coriente cu 20%.

A cana e caminda di transicion for di e dependencia di fossil fuel y heavy fuel oil pa produci energia limpi, uzando e biento y solo, locual ta e caminda riba Aruba tabata cana ora Aruba tabata lidera e vision aki den region.

Corsou, awe ta produci casi 50% di energia renovabel na un prijs di coriente reduci cu 20%. "Corsow ta implementa e mesun blueprint cu Aruba a diseña den nos tempo y a haci uzo di e

modelo "RAS" – Reliable, Affordable y Sustainable. Nan a combina energia solar cu bateria grandi di 50 megawatt pa keda provee energia renovabel anochi.

Prome Minister Eman ta lamenta cu e vision cu su Gabinete Eman I y II a planta pa un Aruba berde, a termina den lachi na Bestuurskantor. Segun Premier Eman, e Gobierno aki mester adopta un plan pa bolbe riba e podium regional di energia renovabel, cu e siguiente tres punto:

1. Redobra capacidad di molinanan di biento na Vaderpiet, cambia molinanan cu ta genera 3 megawatt pa modelonan nobo cu ta genera 6 megawatt.
2. Construi un parke di biento nobo pa yega te 60% di energia renovabel.
3. Inverti den parke solar riba areanan di parkeo grandi manera hospital y hotelnan similar na esun di aeropuerto, combina cu baterianan di capacidad grandi pa warda energia genera durante dia pa uzo anochi.



Pa Prome Minister "esaki ta inacceptabel, ta cruel locual a haci cu e pueblo di Aruba, cu Gobierno anterior a laga deterioro den barionan, schoolnan, pobresa, maneho di desperdicio, y awe riba tereno di innovacion, Aruba a keda atras den desaroyo. "Tur e cosnan aki bo ta haci pa e bon comun y si bo no tin e strea ey di e bon comun bo dilanti, bo ta perde e proposito pa cual bo ta hacie".

Segun Jayburtt Dijkhoff:

Ainda den pueblo tin e nocion di bay un caminda mas economico pa cuido di salud, entre otro salud di boca

**Loke a sosode recientemente den cierto sentido ta bon, pa concientizacion di pueblo!*

ORANJESTAD (AAN) – Jayburtt Dijkhoff, di Instituto di Calidad Aruba, den entrevista cu DIARIO a señala cu loke a sosode riba tereno di cuido di boca, recientemente, toch ta algo bon den cierto sentido, pa concientizacion di pueblo. El a bisa cu kizas ainda, den pueblo tin e nocion di bay na un caminda mas economico, miho pa e cartera, of kizas door di un tiki desconfianza cu esun cu ta estableci caba, pero manera un dicho na Spaño ta bisa: "Lo barato sale caro".

"Esey ta loke recientemente nos a mira riba salud oral (salud di boca), y esey ta pasa tambe den diferente practica di Medicina. Hende ta bisa cu a haya contacto cu hende cu ta bin di afo, ta cobra mas barata, nan ta bay na e lugar y despues kico nan ta confronta cu ne? Un situacion cu, por ehemplo, nan ta haya un in-

feccion inespera. Nan ta haya nan mes cu dolor, cu un situacion cu mester wordo coregi, anto ken ta bay coregi? Otro persona cu si ta registra na Instituto di Calidad, cu a pasa e credencialnan necesario, anto esey ta algo cu nos a purba di concientiza pueblo. Si bo persona kier ta sigur cu un persona a pasa su screening debido, cu por atende pashent, cu tin e calificacionnan necesario, semper por yama nos na Instituto di Calidad di Cuido, na 280-0231 of por manda nos un email tambe. Nos, gustosamente ta informa e persona cu a solicita nos e informacion aki", Dijkhoff a señala.

Jayburtt Dijkhoff a bisa cu e idea ta data caba di varios aña, cu nan ta bay haci e registro publico, accesible pa publico, y si tur cos bay bon, nan ta calcula cu mas of menos na Juli ta bay anuncia cu



e registro ta bira habri.

"Esey kiermen cu na momento cu e wordo anuncia, cualkier persona por bay riba e website di Instituto di Calidad, pa busca dentista, docter, boticario, fisioterapeuta, y wak si e ta registra y kico ta su status tambe y na unda e tin mag di traha", Dijkhoff a señala.

Jayburtt Dijkhoff tambe a menciona cu e Instituto di

Calidad ta traha estrechamente cu IVA (Inspeccion di Salud), cu ta esun cu ta bay riba caya bishita instancianan y controla si nan ta cumpli cu e rekisitonan di ley, y Instituto di Calidad ta monitorear e reglanan, y si mester bin cambianan y adaptacion, nan ta haci esey.

Nan ta hacie conhuntamente cu e feedback cu nan ta haya di IVA, pero tambe nan a

lanta e "Kwaliteitsraad", cu ta e Colegio di Calidad cu ta representa tur e profesionalnan di cuido, y tambe e Organizacion di Pashent, ademas di AZV.

"Anto hunto nos ta delibera riba ki otro reglanan mester awo, pa mehora e situacion y con pa mehora e situacion di e pashent, seguridad di pashent, derechonan di pashent, comunicacion cu pashent. Pues esaki ta un topico cu a bin dilanti, nos tin riba agenda pa bay lanta un Comision Tecnico, pa bay cuminsa papia riba kico ta e rekisitonan basico cu dentistanan, oficianan di tecnico dental, tur esakinan mester cumpli cu ne, anto nos ta verwacht cu den transcurso di e añanan aki nos ta bay trece mas claridad kico nos por spera di e desaroyo aki", Jayburtt Dijkhoff a declara.

Ramoncito Croes Operations Manager di Post Aruba NV:

“Hopi contento cu a logra e meta di 5 auto electrico pa un compania hopi bezig den innovacion y sostenibilidad”



ORANJESTAD (AAN)— Ramoncito Croes, Manager di Operacion di Post Aruba NV, a expresa den conferencia di prensa Diamars mainta, cu e tambe ta hopi contento cu Post Aruba a logra e meta aki, di un flota nobo di autonan, y di ta yegando na un compania cu ta bay ta hopi mas ocupa cu innovacion y sostenibilidad.

Aworaki ta cinco di ocho vehiculonan cu nan ta ricibiendo cu ta yega na un total di 80% di nan autonan electrico, y asina Post Aruba NV ta mustrand su amor pa nos medio ambiente.

El a remarca cu tambe ta

importante pa e otro partnernan ta den e mira aki por use pa bay mas sostenible posible.

Finalmente, directora Sra. Gomes a invita e presentenan pa haya mas splicacion y detayenan operacional of cu tin pregunta al respecto. Tambe a mustra e lugar cu a wordo instala pa charge e autonan, y pa observa e logo cu cada un di e 5 autonan nobo aki ta mustra pa tras cu ta bisa: “Innovando cu proposito” pasobra nan ta poniendo esaki manera un compas cu ta duna nan e direccion pa sigui e rumbo nobo estrategico cu a propone pa tuma, y cu Diamars a duna e prome stap.

Organiza pa Universidad di Aruba

Parlamentario Evelyn Wever Croes na seminario di sistema electoral di Aruba



ORANJESTAD (AAN): Recientemente Parlamentario Evelyn Wever-Croes a atende un seminario na Universidad di Aruba relaciona cu eleccion 2024, e “aftermath” di e eleccion, y pa wak kico ta e miho sistema electoral pa pais Aruba. Parlamentario Wever-Croes a indica cu e ta importante pa Aruba tin un sistema electoral cu ta goza di e confianza di comunidad pasu ta a traves di e sistema aki, e pueblo ta scohe su gobierno y su politiconan. E ta sumamente importante pa tin un bo sistema di “check and balances”, un sistema den cual un ciudadano ta haya e

oportunidad pa por expresa su mes y su deseonan sin miedo.

Durante e seminario tambe a discuti diferente topico riba e tema di con pa fortifica e sistema electoral mas, pa asina Aruba por fortifica su democracia. A bin varios ideanan padilanti y Parlamentario Wever-Croes a indica di ta habri pa tur idea contal cu e ideanan aki ta pa yuda e pais yega na un democracia fuerte, y no pa fragmenta demasiado haciendo Aruba un pais na unda no por goberna debidamente.

Tambe tabata presente virtualmente Profesor Wouter

Veenendaal di Hulanda cu tambe a bin cu su idea y sugerencianan. Mirando tur e ideanan cu a bin dilanti durante e seminario aki, ekipo di Universidad di Aruba tin un trabao sumamente grandi pa bay haci. “Esaki ta bay ta un estudio cu lo tuma 4 aña largo y mi lo ta bay ta parti di e discussionnan aki, y mi lo duna mi aporte unda cu por mirando cu mi persona tambe ta desea pa Aruba tin un bon sistema electoral, pa asina Aruba completo por sinti mas confianza den su gobierno y den su politiconan.

St. Maarten ta atende emergencia cu yerbanan di Sargassum rond di e isla



PHILIPSBURG: Ministerio di VROMI na St. Maarten, via nan departamento di maneho di Infraestructura, a core lanza un operacion di emergencia pa asina lanta y deshaci di e acumulacion di yerba di lama Sargassum cu a cumenza wordo nota na diferente area di costa di e isla.

E operacion di ultimo dianan a enfoca na Simpson Bay, Beacon Hill, y areanan di Oyster Pond. E denuncianan a drenta for di habitantenan mes, cu tabata hopi preocupa cu situacion di salud. Esaki ta bin ora cu Sargassum cumenza putri riba tera y ta produci

un holo fuerte den areanan residencial.

Ta conoci cu ora Sargassum putri, cu e ta saca gas ‘hydrogen sulfide’, cu por ocasiona problema respiratorio pa e ser humano, apart di e holor fuerte cu ta keda plama den comunidad.

Ya caba a lanta hopi sargassum na Simpson Bay Beach y tambe Beacon Hill, y lo sigui cu trabao awor na Oyster Pond y demas arenan. E aña aki ta parece cu e monton di Sargassum plamando riba Oceano Atlantico y Caribe lo bay kibra tur record.



RESULTADO DI SORTEONAN PA CORTESIA DI CADENA ALEXANDER

Diamars 27 mei 2025

 DIARIO	 KORSOU	SUPER 	 CATOCHI	 ZODIAC					
9986 9084 9904	6932 3684 5762	2917	MERDIA	ANOCHI	M	1613 SCORPIO			
			1015 9785 6221	0665 3820 2016	A	7700 GEMINIS			
 LOTTO DI DIA	04-05-22-25-30	 OFF	9523-1762	 BIG 4	M	1011	A	1201	
MULTI-X			MERDIA X2		MULTI-X			MERDIA X3	
CATOCHI			ANOCHI X3		BIG 4			ANOCHI X2	
 LUCKY 3	MERDIA	037	MULTIPLIER X2		ANOCHI	828	MULTIPLIER X3		 LUCKY 3

Mini Mega

DIAMARS 27 MEI 2025

14 **15** **29** **30**

... Mega Ball **04**

- 1^{er} Premio: No tin ganador Jackpot
 2^{do} Premio: Tin 1 ganador Match 4
 3^{er} Premio: Tin 2 ganador Afl. 500,00
 4^{to} Premio: Tin 44 ganador di Afl. 50,00
 5^{er} Premio: Tin 91 ganador di Afl. 15,00

Jackpot pa e proximo Sorteo di Mini Mega 30 MEI 2025
 Afl. 360.000,- MEGA PLUS Afl. 500.000,-

Keto bay dos Ola Tropical riba Atlantico y den Caribe



ORANJESTAD (AAN): Riba e mapa aki por mira e unico dos Ola Tropical cu tin den Oceano Atlantico y tambe Lama Caribe. Esun den Caribe ta net zuid di Haiti y ta bayendo direcccion west entre 18 y 27 km/h. Net

mey-mey di Lama Caribe e tin basta yobida acompaña pa lamper y strena.

E oto Ola riba Atlantico ta acompaña pa algun awacero fuerte y ta bayendo west cu 18 pa 27 km/h.



REGISTRO DI TEMPERATURA Y CUANTO AWACERO A YOBE ROND DI ARUBA

For di DIALUNA 8'or mainta te DIAMARS 8'or mainta:

- Temperatura registra na Aeropuerto, Aruba:
 —Maximo: 33° C. Yobida: 0.1 mm.
 —Minimo: 27° C.
- Temperatura registra na Westpunt, Aruba:
 —Maximo: 33° C. Yobida: 0.0 mm.
 —Minimo: 27° C.
- Temperatura registra na Santa Rosa, Aruba:
 —Maximo: 33° C. Yobida: 0.1 mm.
 —Minimo: 27° C.

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via Whatsapp 592-9684, FB Messenger, E-mail, USB Drive, CD-ROM), incluyendo nomber, adres, telefon, y firma di e remitente. Mester presenta cu un cedula of ID valido pa verifica e nomber y adres. DIARIO lo saca fotocopia di bo cedula of rijbewijs! Bo mester enfatiza di antemano, si acaso bo no kier pa bo nomber worde menciona como remitente!
 (Atencion: Ora cu bo no kier pone bo nomber bao di un remitido, anto automaticamente den e texto bo NO POR menciona nomber di hende of entidad).
 Remitidonan manda via E-Mail mester tin nomber completo di e remitente, tambe su adres, telefon y firma pa asina e worde verifica prome cu publicacion.
 Textonan por ser edita segun espacio, y gramatica tambe lo ser drecha. No tin garantia cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na 'noticia@diario.aw'

Contents ©2025 Matutino DIARIO


COPYRIGHT: Nada den DIARIO mag di worde copia sin permiso di Agencia Arubano di Noticia.

ALMANAC



Bahada y salida di solo na Aruba

—28 Mei 2025
Solo ta baha: 7:01 p.m.
 —29 Mei 2025
Solo ta sali: 6:14 a.m.
Solo ta baha: 7:01 p.m.
 —30 Mei 2025
Solo ta sali: 6:14 a.m.



Lista di Crusero di bishita na Aruba

—Diabierna 30 Mei 2025:
Island Princess:
(07:00 - 18:00)
 —Diadomingo 1 Juni 2025:
Silver Shadow:
(08:00 - 23:00)
 —Diaranson 4 Juni 2025:
Rhapsody of the Seas:
(08:00 - 23:00)
 —Diahuebs 10 Juni 2025:
Carnival Horizon:
(09:00 - 23:00)
Carnival Mardi Gras
(13:00 - 23:00)

EMERGENCIA NA ARUBA

Felis Dia di Ascencion

DOCTER NA WARD

SAN NICOLAS:

Pa San Nicolas, Docter ta na H.A.P. ImSan.
 Docter tey den for di 9:00 am pa 1:00 pm, y di 6:00 pm te cu 10:00 pm.

ORANJESTAD:

Pa Oranjestad, Docter lo ta na Huisartsenpost na Hospital.
 Docter lo tey di 9:00 am pa 1:00 p.m., y di 6:00 p.m. pa 10:00 p.m.

BOTICA NA WARD

Info cortesia: www.iva.aw

PARIBA DI BRUG:

Botica San Lucas NV
 Zeppenfeldtstraat 49
 Telefon 584-5119

PABAO DI BRUG:

Botica Dakota NV
 Avenida Milio Croes 45
 Telefon 588-7464

DENTISTA NA WARD

Dia di Ascencion



— 29 + 30 Mei 2025 —
Dr. Lindsey Tromp,
Zuidstraat 1.
Telefon: 582-1880

ATENCION: Dia di Fiesta, Dentista na warda lo ta merdia na clinica di 12'or pa 1'or. Bo tin di paga 125 Florin pa consulta. Procedimentonan manera ranca djente lo costa extra.

PRIJS: 2 Florin ehemplar
 ABONO: 40 Florin pa luna

EDITOR

Agencia Arubano
 di Noticia

FUNDADOR

† Jossy M. Mansur

DIRECTORAN

Eduardo Mansur

Luis M. Mansur

Damilice Mansur

REDACTOR Coordinativo

Aureen Werleman

REDACTOR Ehecutivo

Nilton Laclé

Yorleny Oduber-Quesada

Tania Cunha

REDACTOR

Mercedes Abdul-Hamid

Giovanni Lane

REPORTERO

Hubert Tiel

AVISOS Y ARTE

Franklin Peña (Hefe)

Susy Maduro (Project Manager)

Miguel Garcia

Glenn Gonzaga

Robert Simoons

ADMINISTRACION

Freddy Barreto (hefe di personal)

RECEPCIONISTA

Vivian Maduro

LAYOUT

Alex Croes

Ricardo Jimenez

IMPRESION

William Quiceno

Raul Valencia

ADRES

DIARIO N.V.
www.diario.aw

Miembro di
 Sociedad Interamericana
 de Prensa

Email: noticia@diario.aw
 Engelandstraat 29, Aruba.
 P.O. Box 577, P.O. Box 695

Telefon: +(297) 582-6747
 Whatsapp: +(297) 561-5325

DIARIO is Printed
 on 100% Recycled Paper



Filomena college MAVO contento cu su hardin

ORANJESTAD (AAN): Stimulando plantamento na scol, Filomena College MAVO na San Nicolas a dedica Aruba Doet 2025 na e tuintje banda links di e edificio plantando varios mata. E grupo di docente, alumno y voluntario a haci bon trabou plantando e matanan cu den algun luna lo tin un resultado bunita.

Filomena College MAVO y directorado ta gradici meneer Ebby Goedgedrag pa a fungi como motor y voluntario principal di Aruba Doet 2025 pa e scol y sigur cada voluntario grandi y chikito cu tawata presente.

Danki na e maestro-nan Arends, Holsman, Lampe, Panthoflet, Aroeman, Oduber, Mahendrepersad y Leslie. Cada alumno ta awo stimula pa sigui mantene e hardin den bon condicion.



Reflexion, Hesus Biña Nobo:

"Bo yamado"



Dos bichi tabata biba den un mata grandi y yen di fruta y na dado momento un di nan, guia pa un fuerte impulso a cuminsa cera su mes den un capa di seda.

Te na e momento ey, nan dos tabata bon amigo. Ki bo ta hasi? A grita e otro bichi, bo ta bay isola bo mes di e mata aki? Y tur e frutanan y blachi cu e tin?

Bo no lo por come ni move si bo cera bo mes eyden. Door cu e bichi cu tabata bezig no tabata contesta e otro bichi a bay busca un grupo di otro bichinan pa apoyo moral.

E tabata scucha e grupo cu tabata bise: "b'a bira loco?" Wak tur locual cu bo ta lagando atras; pero e bichi no a worry pasobra e yamado

tabata mas fuerte, un bes cu el a cera su mes full e grupo di bichi a keda wak e capsula di seda y a pasa henter atardi ta come y ta bisa: bida eyden mester ta hopi laf, e mester a bira loco nan tabata bisa, e no sa locual e ta perdiendo.

Despues di un tempo nan a haya e capsula ki-bra y bashi y nan a dicidi di wanta nan comentario, mientras tanto un barbulet tabata bulando leu for di e mata, den tur su splendor.

Enseñanza: Bo yamado y proposito den Dios ta bay costa bo y hopi no lo compronde; por ta, bo lo perde hende na caminda pero e fidelidad na Dios y su yamado mester ta mas grandi.

Casonan Penal pa wordo trata den Corte di Husticia na Aruba

Casonan di Diahuebs 28 Mei 2025



Horario	Sospechoso	Acto Castigabel
1:30 pm	Z.I.T.	E sospechoso T. ta wordo acusa di intento di Homicidio y Posesion di arma di candela, riba e fecha di Diahuebs 9 di Mei 2024.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diahuebs 28 Mei 2025

den Sala di Corte di Husticia na Aruba. E informacion aki a wordo suministra door di Ministerio Publico.

Columna E Sembrado



Diaranson 28 Mei. Di seis siman di Pasco di Resureccion aña 2025. Ciclo C

Calendario Liturgico
Lectura: Echonan 17,15.22-18,1;
Salmo: 148;
Evangelio: Huan 16,12-15;

Ma ora cu e Spirito di berdad bini, lo E guia boso na berdad completo y conta boso tocante cos cu ta bay pasa. (Huan 16, 13)

Hesus a priminti su discipelnan y nos tambe cu ora E subi bay shelo cu E lo no laga nos manera huerfano bandona. Pero cu E lo manda un yudado, un guiado pa nos pa asina nos por sigui cu su trabou. Nos tin cu kere cu Hesus a priminti y a cumpli y cu na momento cu nos wordo batisa y acepta fe nos lo ricibi e regalo precioso y di mas valioso cu ta Spirito Santo cu ta e Spirito di Dios mes. Dios cu ta Creador di shelo y tera, Esun cu ta duna bida, rosea y tur sobra cos ta bin biba den nos. Ta algo grandioso rumannan. Pasobra :”Ta pa medio di Dios nos ta biba, move y existi.” (Ech. 17,28) Spirito Santo ta nos Maestro interior cu kier comunica cu nos tur momento pa yena nos cu tur su gracia, donnan y carismanan y kier siña nos e berdad completo di nos Tata Dios. Nos mester ta manera mucha chikito cu tur momento prome cu nos haci algo ta comunica cu nos Tata. Un Tata cu ta stima nos cu un amor incondicional y eterno y ta desea pa nos haci semper loke ta bon y agradabel den su bista.

Oracion. Abba Tata drama bo Spirito Santo riba mundo henter pa mundo por conoce Bo berdad completo. Amen.

Grupo Centro Pastoral

> SUDOKU <

Conceptis Sudoku By Dave Green

	6			9			1	
4								3
			7	4	2			
		1				3		
9		5				6		1
		4				8		
			8	6	5			
3								2
	8			1			5	

Difficulty Level ★★★ 4/28

HARI UN TIKI

Un amiga ta puntra e otro “Bo tin guy?”
E amiga a contesta “Ma ta claro mi tin guy, pero e ta biba den otro nacion”.
“Den cua nacion?”
“Den mi imaginacion”.

BUSCA PALABRA EDUCACION

E S D G C I E C Z A T A K X Y U N H I O
B B P B R Y C E B Z D U S B Q O O N D R
J D G E U C F T O I F Q F H I N F E V T
R U B Z C B L V V L I M L C E O B U A S
K Q U B P I P P T A E X A S R P D Z T E
E X P R E S A P W I X M T M X N G U N A
F R H O N M U L A C R O A B S B O I J M
L O C O T O R P I O Q T X M K R Q B S P
M J N D D A E X F S I C L B G C F K R W
G J N G L A K M M V T B X A G M J G E P
L A N O I C E F O R P A N Q I D U O S I
G N M P P I A K G J A I N G O J S M P E
S C E U C P D D T Z Z Y H A B U G F A V
Z N B O M G K B I A M G X J N G V O C P
E X C E P C I O N S E N G W D V S G I L
S E B W I B K W K T T A L Z N E S E O P
E P O T E B B W C O Y A I T C V C X J F
U T N S N H W T Y M J L N O M E A S J L
X H N C C K E B H I P B R C U N R Z M E
J R G E P K M M G N C P O Y I Y C J B X
P R K P I J T G P C B J Q J C A E U F I
Q V L W D C C M K L N W N N Z K D K S B
Y I R X R K I R U Y O S B X P W A N Y I
O A B O A U N F A W D T C X Y S D H T L
R D E O Y I A H U L M C X B Y L X K F I
W E I R I P S U J S O M D E I R V O X D
R T J E G D C M E G M C U H D K I R B A
N L G W R N N P Y N P Q S Q J J R X X D
D I C Y K V Y M S Z L O D E F K S P G C
I U S B Y B A E R T R I D S R T Q B H D

- ALUMNO
- DISTANCIA
- EHEMPLO
- ESCOLAR
- ESPACIO
- EXCEPCION
- EXPRESA
- FLEXIBILIDAD
- FORMACION
- HONESTO
- INFORMATIVO
- MAESTRO
- ORGANIZA
- PROCESO
- PROFECIONAL
- PROTOCOL
- SCARCEDAD
- SOCIALIZA
- SPECIALISTANAN
- SUFICIENTE

Answer to previous puzzle

1	7	9	6	4	8	2	3	5
6	8	5	3	2	7	4	9	1
2	4	3	1	5	9	7	6	8
3	5	4	7	1	6	9	8	2
9	6	7	2	8	4	1	5	3
8	2	1	9	3	5	6	4	7
5	3	6	4	7	1	8	2	9
7	9	8	5	6	2	3	1	4
4	1	2	8	9	3	5	7	6

Difficulty Level ★★★ 4/27

Surinam Airways transportando carga pa Brasil

PARAMARIBO: Surinam Airways ta bay start bek nan vuelonan di carga cu Brasil. Dentro di poco, nan lo ta bu-lando pa y for di Brasil via di e ciudad Belem, y ta bay ta cumpliendo completamente cu e reglanan nobo di im-portacion Brasileño.

E reintroduccion di e ruta nobo aki di vuelo di carga ta bin net na un momento strate-gico. Pasobra e demanda pa transporte aereo den e region a crece enormemente, y Surinam Airways ta actua riba esaki cu servicio cu lo bay pone confiabilidad y rapidez na forma central.

Un parti importante di e reintroduccion aki, ta e certi-ficacion exitoso door di auto-ridadnan di Aduana di Brasil. Pa esey, Surinam Airways a prepara profundamente y a logra cumpli cu e sistema nobo di plataforma digital di importacion di Brasil. E certificacion aki ta permiti e aerolinea pa sin retraso por ofrece transporte di carga via e sistema moderno di aduana di Brasil.

Polis na St. Maarten investigando incidente grave na scol

PHILIPSBURG: Cuerpo Policial na isla di St. Maarten a start un inves-tigacion relaciona cu un bringamento entre dos estudiante masculino na un scol den area di South Reward, y a cuminsa haci esaki despues cu un video a circula riba social media. E bringamento aparente-mente a socede dia 20 di Mei 2025.

Segun declaracion di Polis, directiva di scol a raporta e caso y a indica cu esaki lo por a wordo ocasiona doo di bullying. E estudiante cu a cuminsa cu e pelea, a ricibi golpi y heridanan na su cabez, y esey no a socede di e bringamento, pero pasobra el a tropica over di un pida muraya di beton.

Aunke ningun denuncia oficial a wordo haci na Po-lis, toch e Cuerpo ta bus-cando forma pa comunica cu ambos mayornan en-volvli pa mihor compronde e circunstancianan y pa duna sosten.



Skina di Ruthy



Sabiduria den nos alegria!

Skirbi pa Ruthy "Lady Ruth" Vrieswijk-Bergen

E bunita luna di Mei ta casi yega su final, e luna den cual a duna tur Mama extra atencion, e luna di Ricibimento. E luna super special pa Lady Ruth, en particular dia 19 di Mei di año 1978 ora el a bira Mama pa di prome biaha di su prome yui homber Regnier y despues wordo bendiciona cu un di dos yiu homber Jean. Nos bendicion di mas grandi, cu nos bunita y dushi Mama Mercedes cu ta wordo yama Mayo ta meymey di nos ainda, aunke cu un crenchi alzheimer, pero cu luz den su bunita curason pa nos tur keto bay.

E tema di Mama y of actividadnan pa cu Dia di Mama ta cosnan bunita, pasobra hopi ta haya y of uza e bunita oportunidad aki riba e Diadomingo Dia di Mama pa brasa y bisa Mama, Mamie, Mamai of Machi cuanto bo ta stim'e, apreci'e y respet'e durante henter año, pero riba e Dia di Mama hopi mas!

Y aunke pa varios e ta un Dia Comercial. Lady Ruth mes a reserva pa un dushi Brunch na ¿Que Pasa? y a invita su casa bay cu ne. Tabata un bunita mainta/merdia. Lamentablemente Lady Ruth no por a bay celebra cu e bunita grupo di oracion di Modanza di Vidente Valerie nan dushi celebracion cu dushi musica y canto di e gran artista cantante El Duque Victor Samuel cu compania vocal tambe di su bunita pare-ha Vivian Lampe, yiu muhe di Juan Chabaya 'Padu' Lampe, kende ademas di ta toca piano bunita, sa canta bunita tambe. Pero nos a ricibi e informacion cu e anochi tawa-ta sublime y cu despues di a gradici e Mamanan saliente, cu tabata 2 mama año pasa,

a yama bon bini na e mama nobo pa 2025

den persona di sra. Violeta Orman, otro shon di hende cu amor pa su famia y pa su grupo di rumannan den Cristo di e grupo di oracion di Modanza. Bunita tabata cu Vidente Valerie a uni cu Victor y Vivian y den trio a canta masha bunita mes. Un bunita anochi bau strea, cu aten-cion y amor pa nos mamanan cu por a disfruta tambe di algo dushi di come y bebe, ademas di a ricibi e serenata musical cu canto di Victor y Vivian.

Vidente Valerie ta mama di 3 yiu muhe y awor tin un nieta y un nieto, regalanon precioso di Tata Dios pa nan famia. Vidente su bunita mama, mama Hortencia ta bendiciona cu su bunita famia, su yiunan y nieto-nan y su dos bisanieto. E grupo di oracion di Modanza ta existi hopi año caba, antes conoci como e grupo di Koyari, pero awor bek na cas Modanza 11-A, hopi activo y yen di bunita inspiracion. Cosnan por a cambia un crenchi desde e



tempo ey, pero e curasonnan a keda fiel cu amor pa nan Creador. Fielnan di e grupo a keda para firme den nan bunita fe y keto bay ta mira y experiencia bunita frutonan. Danki Vidente, pa keto bay ta sigui den su caminda di yuda prohimo ruman cu un of otro oracion ora mester y of un bishita durante e caminda di peregrino y asisti na Misanan.

Ki bunita pa wak nos chikitinnan tuma nan prome santa com-munion durante nan



Ricibimento y di edad hoben caba haya e amor, luz, guia di Papa Dios y Jesus e pilar di mas fuerte den nan vida pa yuda nan crece espiritualmente, siña y madura na edad mas halto, pasobra bida ta sigui tin su ups and downsnan y lesnan pa nos tur siña di nan den nos bida fisico, mental, emocional y spiritual. Danki pa lesa nos relato cu atencion, danki pa e bon comentarionan ricibi regularmente di nos fiel lectornan. Pasa un dushi dia yen di sabiduria den nos alegria!

Un 'bearhug' grandi pa tur y cu bo sigui pasa e brasa grandi aki pa otro-nan rond di bo cu mas tin mester di nan. Corda shonnon, un palabra posi-tivo, un palabra di cariño, un

bon comportacion y un bon actitud den nos bon ehempel ta hiba nos mas leu riba nos viaje riba e mundo aki, na unda nos tur ta como pasa-hero biahando dia pa dia, cu nos rutina diario pero tambe cu cosnan nobo cu ta siña nos pa ta humilde y gradicido semper!



Minister Geoffrey Wever:

Conseho di Minister a aproba siguiente fase pa revitalisacion total di Wilhelminastraat

*Fase 3 ta encera embeeyecemento di e zona comercial urbano

ORANJESTAD (AAN): Conseho di Minister di Gabinete AVP-Futuro, riba peticion di Minister Geoffrey Wever, a duna luz berde pa continua cu e proyecto di revitalisacion di Wilhelminastraat y su cercania. Esaki ta un paso importante den e plan integral pa reanima nos centro di ciudad. “Revitalisa e centro di Oranjestad ta parti di e acuerdo di Gabinete AVP-FUTURO y cu e decision aki nos ta cumpli cu nos compromiso”, segun Minister Wever.

Fase 1 a cuminsa na aña 2023 na e crusada di Wilhelminastraat cu Columbusstraat, culminando exitosamente cu e creacion di Plaza Comercio – un espacio urbano renoba, vibrante y funcional, cu a lanta un aire nobo pa comerciante y bishitante. Fase 2 a encera un pida mas largo di Wilhelminastraat, bay te patras na Lagoen, cubriendo e area na altura di Irenestraat y Caya Mario E. Harms. Aki a amplia parkeo, instala un zona pa taxi, mehora iluminacion y a continua cu e innovacion importante: stacionnan pa recarga auto electrico, cual pronto

lo ser instala, lo permiti cuater (4) auto electrico carga simultaneamente. E fase aki a ser entrega oficialmente na december 2024 (pendiente instalacion di stacion di recarga).

Fase 3 cu awo a wordo aproba den Conseho di Minister ta encera embeeyecemento di e zona comercial urbano den ful Wilhelminastraat, y tambe incluyendo Klipstraat, Steenweg y Nieuwstraat.

Dentro di poco lo sali un invitacion pa diferente arquitecto pa nan duna un oferta na Gobierno di Aruba pa prepara e disenyo. Basa riba esaki Gobierno lo scohe e arquitecto y despues basa riba e disenyo di e arquitecto lo prepara e bestek y tur documento pa e destaho publico tuma lugar.

“Nos ta traha pa crea un Oranjestad vibrante, activo y sostenibel,” Minister Geoffrey Wever a declara. “E proyecto aki ta sostiene e vision di Gobierno pa desaroya Oranjestad como un ciudad culinario, cu espacio pa comercio, recreacion y unda hende ta biba y traha.”



Jayburt Dijkhoff, Instituto di Calidad:

Aworaki tin mas di 70 dentista na Aruba loke ta pone un presion riba mercado

ORANJESTAD (AAN) — Den su entrevista cu DIARIO, PhD. Jayburt Dijkhoff, di Instituto di Calidad, a sigui splica cu pa e Sector di Salud Oral (Cuido di Boca), e desaroyo ta un poco mas complica, den sentido cu tin mas dentista cu locual e pueblo tin mester.

Dijkhoff a comenta cu no tur hende ta bishita nan dentista alomenos un bez pa aña y esey ta haci cu aworaki tin mas cu setenta y por wak tambe cu e ta pone un presion riba mercado, y ta haci cu mester mira un rato si ta habri mas universidad of si mester stimula mas den prevencion, y e ora ey por crea mas cupo di trabao.

“Esey ta un dis-

cusion politico, pero e discusion tambe mester tuma lugar den e ramo, pa wak den cual direccion nos tin cu bay y si nos ta bay trece mas yiu nan di tera pa bin traha akinan, of nos ta want’e un rato, aki un diez aña cu mas baha cu pensioen, y e ora ey nos crea mas cupo di trabao”, Jayburt Dijkhoff a comenta.

Esey ta un discusion andando, Dijkhoff a bisa, y e ta kere cu aki un par di luna cu nan tin mas claridad, por trece mas informacion, kico ta bay bira e direccion pa bay.

“Parti di e tarea di e Institucion tambe ta coordina e maneho, cu tur e stakeholders, y enberdad e punto mas principal ta:

kico ta nos vision?, kico nos kier haci cu e sector di salud di boca? Paso-bra e ta hunga un rol tocante higiene, y e salud en general di un persona, y vooral si hendenan ta haya sa di esaki ora ta hopi laat, of e ta haya un infeccion, dolor, cu no por drumi, etc.

Y nos por actua mas den e kader di preveni cu cosnan no yega asina leu, anto despues ta costa Aruba hopi placa. Esaki nos kier plantie den e Kwaliteitsraad, hunto cu e organizacionnan tambe y al fin y al cabo esaki ta un maneho di Minister pa nos por canaliza con nos por sigui mehora e servicio”, PhD. Jayburt Dijkhoff a conclui.



DEPORTE INTERNACIONAL

Djokovic a pasa pa di dos rond di Roland Garros sin mucho problema



PARIS: Novak Djokovic relativamente facil a pasa pa di dos rond di e Grand Slam di Roland Garros, ganando tres set consecutivo. E tenista di Serbia a gana e Mericano Mackenzie McDonald cu e score di 6-3, 6-3, 6-3. Den e proximo rond Djokovic ta bay hunga contra e ganador di e wegá entre e Francesnan Corentin Moutet y Clement Tabur. Djokovic na Roland Garros ta posiciona cu number 6. E ex number 1 di mundo ta spera cu na Paris e por gana su di 25 titulo di Grand Slam.

Kevin De Bruyne ta bay hunga pa Napoli

*El a cumpra un villa caba

ITALIA: Kevin De Bruyne ta bay hunga e dos proximo temporadanan pa Napoli y den veld ta bay ta tras di su compatriota Romelu Lukaku.

No tin duda mas cu De Bruyne ta bay hunga pa e club di Serie A di Italia, despues cu practicamente e presidente di Napoli Aurelio De Laurentiis a confirma esaki durante e celebracion di e campeonato di Serie A.

De Laurentiis a duna di conoce cu e hungador Belga di medio campo di 33 aña mester djis haci e testnan medico normal, pa despues pone su firma bao di e contrato.

"Ayerá mainta mi a tene



un video call cune y su casa, mientras cu su yiu homber di 9 aña tambe tabata tey". Nan ta un bunita famia y mi a wordo conta cu nan a cumpra un bunita villa den e ciudad, e presidente di Napoli a conta prensa. E tres yiunan di De

Bruyne lo bay e scol Mericano na Napoli. E Belga ta bay gana un salario anual di por lo menos 6 miyon euro neto. E tabata dispuesto di bay atras den salario, pasobra cu Manchester City e tabata gana 15 miyon euro bruto pa aña.

Medvedev elimina den prome rond di Roland Garros



PARIS: Daniil Medvedev a wordo elimina caba den prome rond di e Grand Slam di Roland Garros. E tenista Ruso posiciona na di 11 lugar den e torneo, a perde na Paris den 5 set. E Ingles Cameron Norrie a gana e wegá cu un score di 7-5, 6-3, 4-6, 1-6, 7-5. Medvedev di 29 aña a aparece den e final di

un torneo Grand Slam 6 biaha.

Un di e finalnan den cual el a aparece tabata e final di US Open na 2021, cu el a gana.

Den e Grand Slam di Roland Garros mas leu cu el a yega tabata 1 biaha den e quart final.

Esaki ta di 6 biaha den su carera cu Medvedev a wordo elimina den prome rond di Roland Garros.

Ronaldo probablemente lo bandona Al-Nassr

*Posibilidad cu Ronaldo y Messi por hunga hunto na Mundial di Club

SAUDI ARABIA: Cristiano Ronaldo ta muestra di bay bandona Al-Nassr, mirando cu su contrato ta yega su final otro luna. Tur cos ta indica cu e Portuguez ta bay sigui hunga futbol si. El a cuminsa hunga pa e club di Saudi Arabia desde Januari di 2023 y despues cu el a anota e di 800 gol di club di su carera contra Al-Fateh, ta muestra cu a yega momento pa un reto nobo pa Ronaldo.

Riba su cuenta di X e atacante a skirbi: "E capitulo aki a yega su final". Presidente di FIFA Gianni Infantino mes a cuminsa specula cu e hungador I 40 aña posiblemente lo hunga pa un club cu ta participa na e Mundial di Club. Ta bay tin un bentana temporal di transferencia entre 1 y 10 di Juni, específicamente pa e Mundial pa Club y tin rumornan fuerte



ta core riba unda Ronaldo lo por bay.

Segun e corant Spaño Marca e clubnan Brasileiro Botafogo y Palmeiras lo ta interesa den Ronaldo, mescos cu Al Hilal.

Hopi interesante por ta si Ronaldo firma cu Inter Miami cu ta bay participa tambe na e Mundial pa Club, mirando cu e ora ey e deseo di varios fanático di mira Lionel Messi y Ronaldo hunga hunto lo bira un realidad.

Infantino mes a papia di e posibilidad aki, bisando cu e lo kier wak esey.

DEPORTE INTERNACIONAL

SGA, Williams y Holmgren a yuda Thunder wanta y gana Timberwolves pa bay ariba 3-1



MINNEAPOLIS: Dialuna anochi Minnesota Timberwolves a lucha te final pa purba empata e serie final di Western Conference, pero na final Oklahoma City Thunder a wanta e rally laat di T-Wolves, pa gana e wega 128-126.

Esaki ta pone cu awor e

serie final di Western Conference ta 3-1 na fabor di OKC. Maximo anotador pa Oklahoma City tabata Shai Gilgeous-Alexander cu 40 punto, 9 rebounds y 10 asistencia, mientras cu Jalen Williams a contribui cu 34 punto y 5 asistencia

y Chet Holmgren a termina cu 21 punto y 7 rebounds. Di otro banda e maximo anotador pa Minnesota tabata Nickell Alexander-Walker cu 23 punto y 6 asistencia, mientras cu Jaden McDaniels a contribui cu 22 punto.

DeGrom pa prome biaha den su carera a picha den un wega sin poncha un hungador



ARLINGTON: Dialuna Jacob deGrom a tira un wega manera nunca antes den Major League. Pa prome biaha den su carera e dos biaha ganador di Cy Young no a poncha un bateador den un wega den cual el a picha. “Di berdad mi no tabata sa esaki”.

Mi a tende esey despues. Nan tabata agresivo trempa, deGrom a bisa despues cu el a tira 5 inning y 1 tercio pa Texas Rangers den e di 229 wega di su carera, den e wega cu Rangers a perde 2-1 contra Toronto Blue Jays. Tabata prome wega cu e pitcher di 36 aña a perde

den e ultimo 7 weganen cu el a cuminsa. DeGrom den 11 wega cu el a cuminsa e temporada aki tin un record di 4-2, despues cu el a perde mayor parti di e dos ultimo temporadan despues cu pa di dos biaha den su carera e mester a haci ciruhia Tommy John.

Westbrook di Nuggets a haci operacion na su man



DENVER: Guard di Nuggets Russell Westbrook a haci un operacion pa repara dos fractura na su man drechi. Esaki e hungador a duna di conoce riba su asina yama “Word of Westbrook” Diamars. Westbrook a indica cu el a sufri e fracturanan durante temporada regular. “Mi ta agradecido pa e sosten di tur hende durante full

e aña y mi no por warda pa ta bek eyfo 100%%, el a bisa. E hungador di 36 aña temporada pasa a caba cu un average pa wega di 13.3 punto, 6.1 asistencia, 4.9 rebounds y 1.4 steals den 75 wega pa Nuggets e temporada aki. Den 13 wega di playoff Westbrook tabata tin un average pa wega di 11.7 punto, 3.7 rebounds y 2.6 asistencia.

Angels a firma contrato di 1 aña cu Chris Taylor na balor di 760 mil dollar

LOS ANGELES: Los Angeles Angels a firma hungador di utilidad Chris Taylor na un contrato di Major League, e club a anuncia Dialuna. E acuerdo ta na balor di 760 mil dollar, segun Rhett Bolinger di MLB.com. Hungador di infield Kyren Paris a wordo manda pa Triple-A Salt Lake. Dialuna Taylor a bati di 8 den e lineup di Angels y a hunga center field contra New York Yankees. El a caba 0-3 cu 2 ponche den e wega cu Yankees a gana 5-1.



Los Angeles Dodgers a laga e hungador di 34 aña bay riba 18 di Mei, durante su di 10 temporada cu e club. Den 28 wega prome cu el a wordo laga bay, Taylor tabata tin un average di bateo di .200 y un promedio di yega base di .200, cu zero homerun y 2 careda impulsa.

SUPER CARD SUPER DEALS



**BEST CINEMA AT
THE BEST PRICES!**

**COMFORT
CLASS**

**Monday
Thursday**

8.00^{AWG}

**Friday
Sunday**

9.00^{AWG}

IMAX

10.00^{AWG}

11.00^{AWG}

VIP

11.00^{AWG}

12.00^{AWG}

Sign up today at any **The Movies location** and **start enjoying great benefits!**

Wind Creek Aruba ta introduci un sistema di parkeer facil y eficiente pa tur bishitante



ORANJESTAD (AAN): Entrante Dialuna 2 di Juni 2025, Wind Creek Aruba lo introduci un maneho nobo di parkeer, y esey lo ofrece e nivel mas halto di servicio y accesibilidad mas facil pa tur bishitante. Como parti di e compromiso pa sigui mehora e experiencia pa tur bishitante di nos resort, e sistema di parkeer lo duna accesibilidad di entrada y parkeer mas fluido, mientras ta sos-

tene e demanda di atraccion y experiencia nan riba e propiedad.

Bishitante cu ta staciona nan auto na banda di Renaissance Convention Center y na banda di Renaissance Ocean Suites lo disfruta di tres ora di parkeer gratis ora cu ta bishita nan restaurant-, tiendanan, casino, Renaissance Convention Center, of cualkier otro outlet di Renaissance Wind Creek Aruba Resort.

Cu e sistema nobo aki di parkeer tur bishitante lo disfruta di un entrada y parkeer garantiza na ambos parkeerplaats.

Importante pa sa: (*) Huesped cu lo kier dreña na e boom di parkeer na entrada di Renaissance Marketplace (na banda di Restaurant Kalin's) lo ricibi un ticket di parkeer. (*) E prome 3 ora di parkeer ta gratis. Huesped cu lo sali prome cu e 3 ora nan

NO tin mester pasa paga na e kiosco di pago. E ticket di entrada lo ta bo ticket di salida.

Pero huesped cu ta keda (parkeer) mas cu 3 ora, lo paga cu e ticket cu a ricibi na entrada na e self-service kiosk banda di e ATM, mey-mey di Renaissance Marketplace prome cu bolbe na nan auto pa sali na e boom. (*) Mester tin un ticket valido pa por sali di e parkeerplaats.

(*) Tarifa ta cuminsa na 12 Florin pa 3~4 ora, cu 3 Florin pa ora adicional y un maximo diario di 30

Florin. (*) Nota cu bo por paga solamente cu debit/credit card. No ta acepta cash.

"Nos ta implementa esaki pa segura cu tur huesped, si acaso ta pasa pa un coffie rapido, bo lunch of un cena parti atardi, of cualkier evento, por ricibi un experiencia di parkeer eficiente y sigur," asina Sr. Paul Gielen, General Manager a menciona. "Esaki ta un paso mas den nos desarojo pa sigui sirbi nos comunidad local y global cu pasion y calidad."

Noticianan for di Hulanda

Pareha Hulandes deteni na Spaña pa secuestro di 3 yiu homber menor di edad



SPAÑA:

Un pareha Hulandes casa a wordo deteni na Spaña, debi na e hecho cu nan a bay cu nan tres yiuunan homber menor di edad, sin pidi permiso pa esaki na autoridadnan. Nan ta wordo acusa di secuestro, polis Spaño a duna di conoce Diamars na prensa. E homber y muher a wordo

para riba Diadomingo 18 di Mei. Den e ciudad Tarifa den parti zuid di Spaña nan kier a subi un ferry pa bay Morocco cu e muchanan. Hulanda a saca un orden di detencion contra e pareha. E homber tin e nacionalidad Hulandes, mientras cu e muher ta di Spaña.

Na momento di nan detencion e pareha tabata tin bastante placa cu nan y articulan valioso. Un di e muchanan tabata herida, posiblemente door di maltrato. E tabata tin sangramento den su cerebro y fracturanan na su brasa, elleboog y scheenbeen.

Nunca antes asina tanto atake di wolf riba ganado den un cuartal



HULANDA: E cantidad di atake di wolf riba carne y otro ganado nunca antes tabata asina halto. Den e prome tres lunanan di 2025 a registra 368 atake riba bestia, compara cu e 266 atakenan di un añ anterior. Den alrededor di 90% di tur caso e doñonan di tereno no a tuma suficiente medida preventivo pa evita e daño causa

pa e wolfnan. Esaki segun un analisis di ANP a base di datonan di BIJ12. E organizacion aki ta atende cu casonan di wolf pa e provincianan. Mayor parti di e atakenan a tuma lugar den e provincianan den parti noord-oost di Hulanda, en especial na Gelderland.

ANWB: Casi 1000 kilometer di fila debi na awacero



DEN HAAG:

Diamars anochi e camindanan na Hulanda tabata hopi druk. Debi na e cantidad di awacero cu tabata tin, alrededor di 17:30 tabata tin 1000 kilometer di fila riba e camindanan Hu-

landes. Esaki ta un tiki mas hopi cu normalmente riba un Diamars, segun un empleado di ANWB Verkeersinformatie. Riba diferente trayecto usarionan di caminda mester a tene cuenta cu retraso.

Asina tabata bastante druk riba highway A12 entre Driebergen y Nieuwegein y riba A15, unda cu na altura di Tiel tabata tin un accidente. E filanan tabata bastante mas largo cu normal, ANWB a confirma.

Un di e hombernan cu a muri na Hoofddorp a wordo tira pa polis

HOOFFDDORP: Un di e hombernan cu a muri despues di un incidente den un cas den Fanny Blankers-Koenlaan na Hoofddorp, a wordo tira mata pa polis. Esaki Ministerio Publico a meld Dialuna. Anteriormente a wordo reporta caba cu e otro homber a wordo hinca mata. E homber cu a wordo tira

mata, ta e sospechoso den e caso di hincamento fatal, OM a confirma. E victimanan fatal ta dos homber di 21 y 22 año di edad di Hoofddorp. E investigacion riba locual exactamente a sosode ainda ta andando. No ta cla con largo e investigacion lo dura. E incidente a sosode siman pasa Diaranzon.



Noticia Internacional

Merca a recomenda pa nan ciudadanonan no biaha pa Venezuela pa ningun motibo



WASHINGTON: Gobierno di Merca a emiti un alerta riba diamars, na unda nan a urgi nan ciudadanonan pa no biaha pa Venezuela bao di ningun circunstancia y pa bandonar e pais inmediatamente debi na e riesgo halto di detencion arbitrario.

Den un comunicado, Departamento di Estado a confirma cu nan ta manteniendo su conseho di biahe pa Venezuela na Nivel 4, e nivel mas halto, debi na "riesgonan serio, incluyendo detencion inhusto, tortura den detencion, ter-

orismo, secuestro, practicanan policial arbitrario, crimen violento, intrankilidad civil, y cuido medico inadecua."

Segun e comunicado oficial, Venezuela ta e pais cu e cantidad mas halto di ciudadanonan Mericano deteni inhustamente.

"Ciudadanonan di Merca na Venezuela ta enfrenta un riesgo significativo y creciente di detencion inhusto," Departamento di Estado a declara.

E administracion di Donald Trump a señala cu Merca no tin un embahada

of consulado na Venezuela, y por lo tanto no por ofrece asistencia consular na su ciudadanonan den e pais.

Tambe nan a denuncia e hecho cu e dictadura di Nicolas Maduro no ta informa gobierno Mericano ora un di nan ciudadanonan wordo aresta.

Pa e motibonan aki, e Departamento di Estado ta recomenda contra biahe pa Venezuela "pa cualkier motibo" y ta pidi ciudadanonan mericano of residentenan legal cu ta na e pais pa bandona e pais mas lihe posibel.

"Dobel ciudadania, un visa Venezolano, biahe previo pa Venezuela, of empleo den e pais no ta ofrece proteccion na ciudadanonan mericano," e comunicado a adverti.

Merca a reforsa medidanan contra "turismo di nacimiento" na frontera cu Mexico

CIUDAD JUAREZ: Hende muher na estado na frontera a cuminsa reconsidera nan plannan pa duna lus na Merca despues di un advertencia di e Consulado General di Merca den e ciudad frontera di Ciudad Juarez cu nan lo impone sancionnan riba solicitantenan di visa cu ta busca asina yama "turismo di nacimiento".

E anuncio a genera reaccionnan bao di hende muher cu historicamente a cruza pa El Paso, Texas, for di Mexico pa haya yiu. Algun, cu ta cruza frontera pa atende un consulta na e unidad medico "Todos Somos Mexicanos", a cuminsa cambia di opinion caba. "Nos a mira un cambio.



Tin mas cuido prenatal aki na e institucion, y pashentan cu tabatin tur cos cla pa cruza pa haya nan yiu tambe a bisa nos cu nan no ta bay haci esaki mas. E biaha aki, nan kier cambia henter nan plan pa haya yiu na Ciudad Juarez," segun Dr. Karen Garza, hefe di cuido prenatal di e unidad medico.

Pa medio di su canalnan di medionan social, e consulado a enfatisa publicamente na cuminsamento di e luna aki su posicion

di nenga visa na esnan cu ta busca pa drenta Merca principalmente pa e proposito di duna lus, loke lo duna nan yiunan ciudadania pa nacimiento.

Dr. Garza a agrega cu for di fin di aña pasa, e fluho di hende muher migrante na estado cu ta busca cuido medico a baha cu alrededor di 60%. Esaki, el a bisa, por ta relaciona cu e caida den migracion como e restriccionnan nobo impone pa e gobierno di Merca.

INTERNACIONAL

NOTICIA FOR DI COLOMBIA

E.L.N. A KIMA 32 VEHICULO RIBA UN AUTOPISTA VALLEDUPAR: Riba Dialuna, autoridadnan a confirma cu gueriyeronan di ELN a kima 32 vehiculo, y tambe



heavy equipment na altura di kilometer 20 di e autopista di Rio Grande, na departamento di Cesar. Tur heavy equipment cu a

wordo kima, tabata wordo usa pa haci trabao di mantenimiento di e carretera, y ta pertenece na e compania cu ta encarga cu e Autopista di Rio Grande, y encarga cu haci trabao di mantenimiento. Tabata banda di 2:40 am cu un grupo arma a drenta na forma violento den e Unidad Industrial di e proyecto, destruyendo mas di 33 heavy equipment, y varios aparato esencial mas pa por drecha e caminda. Entre e equiponan afecta tin trucknan di readymix concrete, excavators, vibrocompactadornan, trucknan di tanki di awa, y mas pa haci trabao di traha y drecha caminda. Durante e atake, e miembronan di Security a wordo wanta y brutalmente maltrata. Gobierno ya a critica pisa e acto aki, y a condena e atentado contra infraestructura di carteranan di Colombia.

ESAKI TA E TOP 10 TURISTANAN NA MEDELLIN

MEDELLIN: Cada aña Medellin ta haya 1.3 miyon turista internacional, y dato di cada uno ta wordo tuma na



yegada y esaki ta ser usa pa crea informacion di estadistica, unda ta haya sa nan lugar di origen, nacionalidad, edad, motibo di viahe, diano cu nan tey na Medellin, y gastonan di viahe. E top 5 di e

paisnan cu mas a bishita Medellin awo na 2025 ta Merca cu 32% (193.985 persona), Panama cu 17% (104.092), Rep. Dominicana cu 8% (50.209), Mexico cu 7.8% (48.164), y Peru cu 7% (42.680), segun datonan di Migracion Colombia pa loke ta dato di Januari te cu April 2025. Pero si bo tene cuenta cu nacionalidad di e turistanan, awor na 2025 e ranking ta lidera pa Merca, Mexico, Costa Rica, Panama, y Rep. Dominicana. Encuanto Europeonan, ta interesante pa mira cu na #1 tin esnan cu nacionalidad Hulandes. Na aña 2024, un total di 21.940 persona cu nacionalidad Hulandes a yega Medellin. Nan tras ta sigui esnan di nacionalidad Spaño, Canades, Chileno, y Argentino. E prome pais Asiatico ta India, sigui pa Israel. Encuanto Africanonan, prome tin esnan di Maroco, y despues Zuid Africa. Tambe turista di Cambodia, Irak, Mongolia, Congo, Palestina, y Liberia.

MUCHA SALI BAY CUMpra HABON Y NO REGRESA

BUCARAMANGA: Famia di Oscar Santiago Mendez Sanchez di 14 aña, a bati alarma na Polis, cu riba Diadomingo atardi e mucha a sali di cas pa bay cumpra un habon na tienda den Comuna 4 na Bucaramanga. Pero e no a yega e tienda, y ningun hende no a tende nada mas di dje. El a bay haci e fabor di cumpra habon pa su wela na e tienda mas cercano banda di 6:00 pm. Cu placa den man el a sali cu sandalia di



plastico pa bay cumpra. Pero e no a regresa mas y awor Polis ta investigando.

Noticia Internacional

INTERNACIONAL

NOTICIA FOR DI VENEZUELA

HOBEN A SER TIRA MATA DOOR DI E PERSONA AKI BARQUISIMETO:

Tres homber den marduga a 'bula' riba e hoben Jose Angel Peralta Sotelo di 21 aña, nan a want'e y a bay cune na un skina unda nan a saca arma y a tire mata cu varios proyectil. Un unidad di Polis di municipio Baraquisimeto, a drenta den accion y un rato despues a logra di detene un di e asesinonan, esta Samuel Alejandro Teran Sandoval di 20 aña, conoci como 'El Samuelito'. Polis a haya sa cu hunto cu 'El Anthony' di 20 aña y 'El Ben' di 27 aña nan a comete e crimen. Pero e dos ultimo aki ainda no a wordo deteni. Riba e potret por mira Samuel Teran Sandoval cu ya ta wordo interroga. Polis a confisca un motorcycle MD Haojin modelo Aguila 150 cu nan a usa pa ataca e victima y despues huy di e lugar di asesinato. Tambe Polis a confisca un revolver, tres bala, y tambe paña cu e victima tabatin bisti.

EL A BATI SU YIU DI CRIANZA DI 2 AÑA Y MAT'E

MARACAIBO: E homber aki identifica como Hector Faria di 29 aña, a keda deteni pasobra e ta e persona responsabel pa morto di su yiu homber di crianza, di apenas 2 aña di edad. El a keda deteni Diasabra cu a pasa na parokia Domitila Flores di municipio San Francisco na estado Zulia, door di oficialnan di Polis Nacional Bolivariana (PNB). Hector mes a hiba e criatura pa un Clinica di emergencia, pero e mucha a yega eynan sin señal vital y tabatin señalnan evidente cu el a wordo bati fuertemente. E personal medico, ora di a mira tur e mancha y golpinan di maltrato, y ora nan a tende di e homber cu e mucha tabata convulsiona, nan a core yama Polis. Polis a detene e homber pa cumenza interrog'e. Tambe Polis a papia cu bisiñanan, kendenan a splica cu e homber "tin costumber di maltrata e muchanan." PNB a notifica e mama di e mucha, Lady Moran, kende pa colmo tabata na Sala di Emergencia Pediatrico di Hospital Noriega Trigo cu su otro yiu muhe di 1 aña, debi cu esaki "a sali cay for di cama". Polisnan di Cicpc tambe ta involvi y lo bay investiga e caso aki.

FALCON A RICIBI 437% MAS CONTAINER NA 2025

PUNTO FIJO: E cantidad di container cu mercancia cu a yega na e Wafnan di Peninsula di Paraguana na estado Falcon, a conoce un aumento di 437% den e cuatro prome lunanan di aña 2025, comparando esey cu mesun periodo di 2024. Esey segun cifranan di Camara di Comercio y Industria. Entre Januari 2025 y April 2025 a yega mas di 700 container, compara cu 160 container cu a yega den mesun periodo di 2024 na Paraguana. E importacionnan aki ta yuda e reactivacion di sector comercial na estado Falcon.

Antonio Ledezma: "Maduro no ta gana eleccion, e ta horta nan"



E lider di oposicion Venezolano, Antonio Ledezma, exilia na España, a denuncia cu Nicolas Maduro "no ta gana eleccion, e ta horta nan", y no ta convoca eleccion, sino ta "organisa farsa", refiriendo na e eleccionnan legislativo y regional di diadomingo pasa. Den comentarionan publica riba su website personal, e ex-alcalde di Caracas a recorda e eleccionnan presidencial di 28 di juli 2024, cu Maduro a

gana segun e resultadonan oficial, aunke meymey di acusacionnan di oposicion di "fraude masivo." "Bao di un clima di represion, censura y oportunismo flagrante, e dictador a proclama su mes victorioso, un burla di e deseo di cambio di miyones di Venezolano", Ledezma a critica. Y awor e tin pensa di renforsa esaki cu "un di dos farsa", el a agrega, den e eleccionnan di diadomingo, cu a wordo gana pa

chavismo, segun resultadonan oficial. "E regimen a organiza un simulacion cu, leu di duna legitimidad, ta profundisa e desacredito cu ta pisa riba e poder usurpa," Ledezma a skirbi, y Maduro "ta purba convence e pais y mundo di un supuesto participacion popular cu nunca no a tuma lugar." E berdad ta innegabel, segun Ledezma, referiendo na e abstencion: "Mas cu 86% di e votadornan venezolano a participa den un acto historico di desobediencia civil. Nan a bira lomba pa un yamada ilegítimo pa eleccion, organiza pa fabrica un resultado yena cu inconsistencianan matematico y contradiccionnan logico."

Chauffeur deteni na Mexico cu mas di 700 kilo di cocaina scondi den saco di koffie

Secretario di Seguridad y Proteccion di Ciudadano di Mexico, Omar García Harfuch, a informa di e detencion den e estado di Sonora di un miembro di Cartel di Pacifico, kende tabata transporta mas di 700 kilo di cocaina scondi den paki di grano di koffie paden di un tractor-trailer. Segun informe, e aresto a sosode despues cu agentenan di seguridad a intercepta un tractor-trailer cu a purba evadi un punto di control di seguridad despues di a nota su presencia. "Durante un inspeccion di e carga, agentenan di seguridad a haya 701 kilo di cocaina, ekivalente na 2.1 milyon di dosis, scondi den pakinan di grano di koffie", nan a splica. Nan a agrega cu e confiscacion, "e impacto economico riba crimen organiza ta alcanza 162 milyon peso (mas o menos 8.5 milyon dollar)." Fuentenan oficial a iden-



tifica e chauffeur deteni como Jorge Alberto Barbosa García, di 42 aña, kende tabata core e tractor-trailer for di e municipio di Apodaca, den e estado di Nuevo Leon, rumbo pa e ciudad fronterizo di Tijuana, den e estado di Baja California. Un siman pasa, García Harfuch a informa cu e "Operacion Frontera Norte" di Mexico, un acuerdo firma na Merca, a confisca 189.81 kilogram di fentanyl y 1.136.562 pildo di e droga sintetico aki, como tambe a dismantela 915 laboratorio y concentracion clandestino pa e area di produccion y a confisca

mas cu 1 milyon liter y 376 kilo di e substancia aki. Esaki "ta den cuadro di e operacion di Frontera Norte dirigi pa presidente Claudia Sheinbaum, cuminsando dia 5 di februari," e secretario a indica den un mensahe riba medionan social, cu el a compaña cu un imagen di e paketenan di droga confisca. Den un comunicado conhunto, forsan federal a indica cu e detencion y confiscacion di droga tabata resultado di trabaonan di inteligencia y investigacion, cu participacion di Marina y Oficina di Fiscal General (FGR).

Pa chica Pos - Habri tuberia y wc. Servicio lihe y confiabel.
Experiencia ta manda
CICLONE
 Septic Tank Service
Tel: 564-0607 / 734-0607

CONSTRUCCION REMODELACION
 Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construccion di cas y apto bon prijs. Free quotation.
Tel: 561-2137

AIRCO REPAIR SERVICE
 Icemaker - freezer - cooler
 wasmachine - dryer - frigidaire,
 tur sorto di airco, wk freezer,
 forno, wk cooler, stove.
Tel: 747-7987 + 749-4232
 anytime.

Servicio di Hardineria
 Chapi, corta mata
 grandi y chiquito y nos
 ta hiba sushi na
 Ecotech. Servicio
 rapido. **Tel: 593-8852**

SUSHI
 Nos ta lanta sushi di cura
 lage limpi limpi mane un
 soño. Pa solamente 50,- y
 Ecotech ta apart. Yama nos
 na 592-5766 of 561-5179
 Arubiano trahado.

DIRECTV
 A miho T.V. na Aruba,
 movies, sports, kids,
 news & more.
 Yama awo cel: 733-5762
 DirecTV cambia bo vida

Mercado Reparacion y Servicio
Nos ta drecha
 Wasmachine, Frigidaire,
 Cooler, Dryer, Stooft, Forno.
 Tur tipo di split-unit y window.
ALEX MERCADO! Any time
Cel: 567-0580

TA CHAPI
 Corta mata.
 Ta tira sushi afo. Nos
 ta hardineria completo
 na super bon prijs.
Tel: 569-8003

NOS TA DRECHA
 Wasmachine, dryer,
 frigidaire, airco.
 Service y instalacion.
Tel: 746-3651

DIARIO
 Pa noticia, cumpleaños,
 comentario, redaccion:
noticia@diario.aw
Tel: 582-6747

Telefonnan di
DIARIO
582-6747
Fax 582-8551


Avion di TUI bautisa cu number di Curaçao

WILLEMSTAD: Un ceremonia cu presencia di diferente funcionario halto di Gobierno na Aeropuerto CUR, tabata debi cu e aerolinea TUI ta celebra nan di 20 aña di existencia. Ademas di esey, nan a dicidi na festeha esey door di laga un avion Boeing 787 Dreamliner ehecuta e vuelo cu ta marca nan di 20 aniversario.

E avion aki cu matricula PH-TFJ di aerolinea TUI, na su yegada na e isla, a wordo

bautisa cu e number 'Curaçao'. Di e forma aki e avion di awor en adelante lo keda carga number di un di e destinacionnan mas importante y simbolico di e aerolinea.

Prome Ministro Pisas hunto cu diferente representante y stakeholder di turismo tabata presente na e ceremonia. E bautismo a wordo haci pa e ganadora di Festival di Tumba, Jefdany Manuela y cantante Dibo Doran a haci e bautismo.





Directie Voogdijraad

Directie Voogdijraad kier a anuncia fayecimento di **Sr. Whendert A. Cicilia**, tata di nos colega sr. **Whensley Lambert (cahero)**.

Acto di despedida lo tuma lugar diaranzon 28 mei 2025 di 6'or pa 8'or pm na Olive Tree Funeral Care & Crematory na San Nicolas.

Nos ta desea Whensley y henter famia hopi forza den e momentonan difcil aki, di parti di directie y personal di Directie Voogdijraad.

Grupo Ruso tabata tras di hack di polis di 2024



DEN HAAG: Un grupo cibernetico te ainda desconoci y posiblemente sosteni pa estado Ruso, ta tras di hacks riba diferente organizacion Hulandes incluyendo polis, cu a tuma lugar den luna di September di 2024.

Esaki segun un investigacion di e servicionan di inteligencia y seguridad di Hulanda, AIVD y MIVD.

E servicionan ta yama e grupo di hackers envolvi, 'Laundry Bear'.

Mientrastanto e organizacionnan Hulandes cu a wordo

afecta, a wordo informa. E organizacionnan a wordo yuda tambe pa tuma medidanan di precaucion.

Den luna di October di 2024 minister di Husticia David van Weel a duna di conoce cu e data hack tabata trabao di un 'actor estatal', esta un poder stranhero.

Corant De Telegraaf e tempo ey caba a base di fuentenan cerca polis, a reporta cu ta trata di hackers Ruso.

Entre otro e hackers a logra gara datonan di tur e 65.000 agentenan policial.

Diasabra awor tin Baki den Barrio na San Nicolas



ORANJESTAD (AAN): Enberdad ultimo dianan ta diferente fecha a wordo menciona paki-paya en cuanto e oferta di pone "Baki den Barrio".

DIARIO a ricibi pregunta di algun lector. E bon noticia ta cu e fecha di Diasabra 31 di Mei 2025 a wordo escogi, y esaki lo

bay ta riba e tereno patras di Watertoren na San Nicolas.

E chens pa trece sushi ta for di 7:00 am te cu 11:30 am. Tin diferente baki pa asina ricibi diferente sorto di desperdicio. Personal di Bureau City Inspector lo tey pa yuda guia e proceso aki.

Oracion pa awe:

Spirito Santo duna nos e forza pa sigui persevera.

AMEN.
G.C.P.A


AMC UNICON WAREHOUSE CLEARANCE SALE!

2 DAYS ONLY
MAY 30 & 31

ALL ITEMS
MUST GO!

GET UP TO

70% OFF

AVENIDA MILIO CROES 56



amc unicon